

AGENDA



◆◆◆ Antzerkia

'Radio rara' ikuskizuna EHUn Iba-etako campusean. ■ Arraroa den jendeari buruzko erakustaldia egingo du Radio Rarak Ibaetako campusean. Taldearen izen bera daraman antzerki lana emango dute, gaur eguerdiko 12:15ean hasi eta ia bi orduz. I. M. Barriola ikasgelategian egingo dute saioa.

◆◆◆ Hitzaldia

'Globalizazioa, milurteko berriko kontua' solasaldia Bilboko Irakasleen Unibertsitate eskolan. ■ Globalizazioaren inguruan jarduteko hitzaldia antolatu dute Bilboko Irakasleen Unibertsitate Eskolan. Gaur arratsaldeko 15:00etatik aitzina, Globalizazioa, milurteko berriko kontua hitzaldia eskainiko du Enrike Abadek, giza eskubideekin harremana duten gaietan aditua den irakasleak.

◆◆◆ Antzerkia

'Anarkista baten ezusteko heriotza' lana EHUn Leioako campusean. ■ Tentazioak ekoiztetxeak, eta Zitzania eta Teatre de Calaix antzerki taldeek Anarkista baten ezusteko heriotza lana aurkeztuko dute EHUn Leioako campusean, gaur eguerdiko 12:00etan. Bi orduz jardungo dute euskarazko antzerki lana erakusten.

◆◆◆ Jardunaldia

Umeekiko tratu txarren inguruko mintzaldia eta filma Donostiako Zuzenbide Fakultatean. ■ EHUn Ibaetako campuseko Zuzenbide Fakultatean antolatu dituzte umeen eskubideak aldarrikatzeko ekitaldiak. Gaur goizeko 09:30ean, umeen aurkako tratu txarrez mintzo den filma erakutsiko dute. 11:30ean, berriz, Maria Acale Zuzenbide irakasleak umeen eskubideak hartuko ditu hizpide.

◆◆◆ Lehiaketa

Ipuinen III. lehiaketa Nafarroako Unibertsitatean. ■ Nafarroako Unibertsitateko Gertakizun Kulturalen Prestakuntzarako Sailak Ipuinen III. lehiaketa atondu du. 2002ko urtarilaren 31 da idatziak aurkezteko azken eguna. Ipuin saridunaren egileari 50.000 pezeta emango dizkiote. Argitaratu gabeko testuak soilik onartuko dituzte.

MEZUAK

BILBON pisua osatzeko pertsona bat behar da. Etxeak hiru logela, jantoki ederra, egongela handia eta terraza bi ditu. Alokairu nahiko merkea. Albait azkarren bete behar dugu pisua. 656751519 telefonora deitu.

ERANDION pisua osatzeko neska bat behar da. Herriko metro geltokiaren parean kokatutako etxebizitza da. Etxe txukuna eta ondo hornitua. 679632762 edo 944675137 telefonoetara deitu, eguerdi partean ahal bada.

ALGORTAN pisua osatzeko bi pertsona behar dira, erretzen ez dutenak, ahal bada. Metro geltokitik 200 metrora kokatutako egoitza da. Autobus geltokia ere etxetik gertu dago. Alokairu merkea: 22.500 pezeta hileko. 687957542 telefonora deitu, gauez edo goizez (Ander).

BEKAK

Bekak. Informazio gehiago jasotzeko: www.euskadi.net; www.mec.es/becas/becas.html; www.boe.es/noticias/becas.html; www.infocurso.com; www.becas.com; www.ahoraque.com; www.wanadoo.campus.com; www.infoempleo.com; www.igsap.map.es/does

EUSKAL HERRIA

Pasaiako Itsas Institutuan eta **Ondarroako Antiguako Andre Mariaren** Eskolan arrantza ikasketak egiteko bekak banatuko dituzte

Deitzailea: Eusko Jaurlaritza.

Baldintzak: 2001-2002 ikasturtean ikastetxe bi horietan dabilzanek eskatu ahal izango dituzte bekak. Ondoko gastuak apaltzeko emango dituzte bekak: ohiko etxetik kanpo bizitzeko, ikastegietara joateko, mantenua ordaintzeko eta ikasteko materiala erosteko.

Zenbatekoa: Gutxienez 25.000 pezeta eta gehienez 400.000 pezeta hileko.

Epea: Abenduaren 20an agortuko da epea.

Informazioa: Eusko Jaurlaritzako Nekazaritza eta Arrantza Saila; telefonoa: 945019631.

Iturria: Eusko Jaurlaritza.

Arte plastiko, argazkigintza eta zinema arloko artisten sormena laguntzeko bekak banatuko dituzte

Deitzailea: Hondarribiko Udala.

Baldintzak: Hondarribian jaioa izatea edo gutxienez bertan bost urtez bizitakoa izatea galdatzen zaio beka lortu gura duen orori.

Zenbatekoa: 500.000 pezetakoa da beka.

Epea: Abenduaren 31n bukatuko da epea

Informazioa: Hondarribiko Udaleko Kultura Sailean dago informazio gehiago.

Iturria: Hondarribiko Udala.

Ikerketa antropologikoak, etnologikoak eta arkeologikoak egiteko Jose Miguel Barandiaran bekak banatuko dituzte

Deitzailea: Barandiaran Fundazioa.

Baldintzak: Bakarka jardun gura dutenek nahiz horretarako osatutako lan taldeek eska dezakete beka. Taldea osatzekotan, proiektuaren zuzendariduradun bat hautatuko beharko dute ordez-kari. Euskaldunek edo Euskal Herriko lurralde guztietan egoitza dutela egiaztatzen dutenek izango dute lehentasuna. Ikerketa gaiak Euskal Herriko arkeologia eta etnologia izango dira. Lan argitaragabeak soilik onartuko dira; horiek ezin izango dira beste proiektu handiago batzuen atal-

ak, hots, beste finantzaketa iturriak dituzten proiektu handiagoen zatiak.

Zenbatekoa: 2.400.000 pezeta emango zaizkie beka lortzen duten ikasle guztiei.

Epea: Abenduaren 31n agortzen da epea

iraupena: Amaierako lanak beka onartu eta bi urte eta erdiko epean aurkeztu beharko dira.

Informazioa: Jose Miguel Barandiaran Fundazioan dago informazio gehiago.

Helbide elektronikoa: ei-sev@sk.ehu.es

Iturria: Jose Miguel Barandiaran Fundazioa.

ESPAINIA

Lan arriskuen prebentziorako lanetan trebatzeko bekak banatuko dituzte goi tituludunen artean

Deitzailea: Espainiako Lan eta Gizarte Gaietarako Ministerioak, eta Laneko Segurtasun eta Higieneko Institutu Nazionalak antolatu dute beka.

Baldintzak: Fakultate edo Goi Eskola Tekniko batean lizentziatu, ingeniari edo arkitekto titulua eskuratzeko irakasgai guztiak gainez gainez ikasitza beharrezkoa da. Ikasketak horiek 1998ko ekainean edo gerora bukatutakoak behar dute izan. 1998ko ekaina baino lehen bukatutako ikasketak onartuko dira, betiere ondoko prestakuntza alorretan ibili izanagatik: medikuntza-prestakuntza (IR), erizaintza-prestakuntza (FI), biologia-prestakuntza (BI) edo kimika-prestakuntza (QUID). Kasuotan, ikasketak, gehienez ere, 1995eko ekainean bukatutako ikasleak izan daitezke beka eskaera egiten dutenak.

Zenbatekoa: 841,42 euro hileko. Bekadunek Laneko Segurtasun eta Higieneko Institutu Nazionalaren osasun- eta istripu-laguntza bermatzen duen aseguru bat jasoko dute, eta bidaia eta dietetako gastuak ordainduko zaizkie.

Epea: Gaur agortzen da epea.

Informazioa: Lan eta Gizarte Gaietarako Ministerioa. Torrelaguna, 73 28027 Madril Tfnoa: 913144511; <http://www.boe.es>

Iturria: 2001-11-14ko 273. BOE, 41636. or.

Energiarekin zerikusia duten ikerketa proiektuak prestatzeko bekak emango dituzte

Deitzailea: Gomez Pardo Fundazioa.

Baldintzak: Unibertsitateko edo goi mailako

ingeniaritzako edo ingeniariaritzako teknikoko titulua duten nazionalitate espainiarreko pertsonak lortu ahal izango dute beka. Eskatzaileek eskaera bana egin ahal izango dute, ikastetxe bakarrean. Gomez Pardo Fundazioaren helburua da energiarekin zerikusia duten gaitetako azterlanak zabaltzeko, ikastaro eta mintegietara joateko eta energia-gaien inguruko ikerlanak egiteko bekak edo laguntzak ematea.

Zenbatekoa: Gehienez milioi bat pezeta jasoko dute beka lortzen duten ikasleek.

Epea: Abenduaren 14an agortzen da epea

iraupena: Urtebete, gehien jota.

Informazioa: Gomez Pardo Fundazioa; Madril; Tfnoa: 914417921 edo 914422656

Iturria: Gomez Pardo Fundazioa.

Kulturari atxikitako komunikazio teknologien ezagutza sakontzeko prestakuntza bekak emango dituzte

Deitzailea: Espainiako Hezkuntza, Kultura eta Kirola Ministerioak banatuko ditu bekak.

Baldintzak: Goi mailako prestakuntza zikloetan jardun duten diplomatuek eska dezakete beka. Ingeniari teknikoei eta arkitektoei ere lor dezakete diru laguntza. Eskatzaileek beka iraun bitartean garatuko duten ikerketa proiektua aurkeztu beharko dute. Bost beka emango dituzte.

Zenbatekoa: hileko 100.000 pezeta emango zaizkie beka lortzen duten ikasleei.

Epea: Abenduaren 10ean agortuko da epea.

iraupena: Urte oso batez luzatuko da beka.

Informazioa: Hezkuntza, Kultura eta Kirola Ministerioa jo daiteke informazio gehiagoren eskean. Tfnoa: 917018000

Iturria: 2011-11-20ko BOE 278.

EUROPA

2002ko udan Goethe Institutuan alemana ikasteko programetan aritzeko bekak emango dituzte

Deitzailea: Alemaniako Hezkuntza Ministerioa.

Baldintzak: Espainiako unibertsitate bateko goi mailako tituluduna edo azken urteko ikasle izatea beharrezkoa da. Alemana jakitea galdatzen zaie eskatzaileei. Alemana menperatzeko ikastaro trinkoetan izena ematen dutenek eta ikasketak unibertsitateko nota onez gainditu dituztenek lehentasuna izango dute Goethe Institutuan jarduteko beka lortzeko orduan.

Zenbatekoa: Alemanian egon bitartean mantenu osoa —ostatua, matrikula...— ordainduko zaie beka lortzen dutenei.

Epea: Etzi agortzen da eskaera epea.

iraupena: 2 hilabetez luzatuko dira bekak.

Informazioa: Alemaniako Enbaxada. Telefonoa: 913913944, www.daad.de.

Ingeniaritzan, informatikan eta zientzia zehatzetan jarduteko bekak banatuko dituzte

Deitzailea: Ikerkuntza Nuklearerako Europako Erakundeak egin du beka deialdia.

Baldintzak: Ikasketak teknikoetan diharduten 30 urte baino gutxiagoko unibertsitateko ikasleak izango dituzte bekak. Frantsesez eta ingelesez mintzatzeko gaitasuna galdatuko zaie eskatzaileei. Aurretik jasotako sarien, egindako ikerketa proiektuen eta unibertsitate noten arabera izango da bekadunen aukeraketa.

Zenbatekoa: Ikaslearen ahalmen ekonomikoaren arabera izango da diru laguntza.

Epea: Otsailaren 22an agortuko da epea.

iraupena: Sei eta hamabi hilabete arteko iraupena izango dute emango dituzten bekek.

Informazioa: Informazio gehiagorako, Ikerkuntza Nuklearerako Europako Erakundera jo dezakete interesdunek: www.cern.web.cern.ch.